

ანალოგიები



პისტოია



ვარშავა



მარაქეში



ბონი



ვარშავა



მიუნსტერი



მიუნსტერი

განმარტებითი ბარათი

წარმოდგენილი გამწვანებული თარგები მდებარეობს ქ.თბილისში.იჭავჭავაძის გამზირის გასწვრივ და მის მიმდებარედ. თარგების ფართობი შეადგენს 13 332კვ.მეტრს. პროექტი წარმოდგენილია ცალკეული თარგების სახით, თითოეულ თარგს თან ახლავს არსებული მცენარეების ინვენტარიზაცია და ჩასატარებელი ღონისძიებების რეკომენდაცია.

პროექტის კონცეფცია ეყრდნობა ერთის მხრივ თარგებში არსებული გამწვანების (ხეების და ბუჩქების) შენარჩუნებას და მეორე მხრივ, ნარგავების ინტენსიური მასის გამოყენებით ფეხით მოსიარულეთა მაქსიმალურ დაცვას მცვრის, ხმაურის და გამონაბოლქვისგან. ქუჩების გამწვანების ასეთი მეთოდი აპრობირებულია თანამედროვე ქალაქების გამწვანებაში მთელი მსოფლიოს მასშტაბით. თარგების კომპოზიციები აგებულია უკვე არსებული ჯარგი დეკორატიული ღირებულებების ნარგავების გათვალისწინებით, ხშირ შემთხვევაში ერთი ნარგავის გარშემო დაპროექტებულია რამდენიმე იმავე სახეობის ბუჩქი რათა შეიქმნას დიდი ჯგუფი, რომელიც შეხამებულია ასევე მცენარეთა სხვა ჯგუფთან, ერთმანეთთან შეგუების, ფერის, ფორმის და წიწვიან-ფოთლოვანი მცენარეების ბალანსის გათვალისწინებით. მცენარეები შერჩეულია ძირითადად მარადმწვანე რათა უზრუნველყოფილ იქნას მთელი წლის განმავლობაში თარგების დეკორატიულობა. ასევე გამოყენებულია მოყვავილე და დეკორატიულ ნაყოფიანი ფოთლომცვენი მცენარეები, რომლებით გაზაფხულიდან გვიან შემოდგომამდე მოგვცემს უწყვეტი ყვავილობის ეფექტს.

მცენარეები შერჩეულია ურბანული გარემოს, კლიმატურ-ბუნებრივი და ნიადაგის გათვალისწინებით. მთლიანად გამორიცხულია ქუჩის მომიჯნავე თარგებში ბალახის საფარის არსებობა.იგი შეცვლილია ე.წ. "ალტერნატიული გაზონით", ნიადაგმფარავი მცენარეებით. მცენარეთა მოვლის , მათი სარეველებისგან დაცვის და მიწის გამოშრობისგან დასაცავად გამოყენებული თერმულად დამუშავებული დაქუცმაცებული ხის ქერქი (მულჩა),როგორც ბულებრივი შეფერილობის ასევე ზოგიერთ თარგში ფერადი.

ინტენსიურად გამწვანებული თარგები კომფორტულ გარემოს შეუქმნის ადამიანებს, როგორც ეკოლოგიური ასევე ვიზუალური და ემოციური თვალსაზრისით.

არსებული მდგომარეობიდან გამომდინარე, პირველ რიგში საჭიროა ჭავჭავაძის გამზირის მთელ პერიმეტრზე ჭადრის ხეების ფორმირება, ვარჯის 6-7 მეტრის სიმაღლიდან განვითარებით. ეს ხელს შეუწყობს დასარგავი ბუჩქებისთვის საკმარისი სინათლის მიწოდებას და ქუჩის არქიტექტურის ხილვადობის გაზრდას.

მცენარეთა დარგვა განსახორციელებელია დასარგავი პერიოდების და აგროტექნიკის წესების მკაცრი დაცვით. ასევე უზრუნველსაყოფია მცენარეთა მორწყვა სპეციალური პერიოდის განმავლობაში.